

2019-imut Nunatta Karsiata naatsorsuutaasa akuersissutigineqarnissaannik siunnersuut

pillugu

Kukkunersuinermit Ataatsimiititaliap

siunnersuutip aappassaaneerneqarneranut

ISUMALIUTISSIISSUTAA

Kukkunersuinermit Ataatsimiititaliap suliarinninnermini ukuninga inuttaqarpoq:

28. maj 2020 sioqqullugu:

Inatsisartunut ilaasortaq Jens Danielsen, siulittaasoq

Inatsisartunut ilaasortaq Stine Egede, siulittaasup tullia

Inatsisartunut ilaasortaq Aleqa Hammond

Inatsisartunut ilaasortaq Pele Broberg

Inatsisartunut ilaasortaq Malene Vahl Rasmussen

28. maj 2020 nutaamik inissitsiternerup kingorna:

Inatsisartunut ilaasortaq Erik Jensen, siulittaasoq

Inatsisartunut ilaasortaq Aqqa Samuelsen, siulittaasup tullia

Inatsisartunut ilaasortaq Aleqa Hammond

Inatsisartunut ilaasortaq Pele Broberg

Inatsisartunut ilaasortaq Malene Vahl Rasmussen

30. oktober 2020 nutaamik inissitsiternerup kingorna:

Inatsisartunut ilaasortaq Erik Jensen, siulittaasoq

Inatsisartunut ilaasortaq Aqqaluaq B. Egede, siulittaasup tullia

Inatsisartunut ilaasortaq Aleqa Hammond

Inatsisartunut ilaasortaq Pele Broberg

Inatsisartunut ilaasortaq Malene Vahl Rasmussen

Nunatta Karsiata 2019-imut naatsorsuutaasa Inatsisartunit akuerineqarnissaat pillugu Inatsisartut aalajangiiffigisassaattut siunnersuut ulloq 14. oktober 2020-imi siullermeerneqarpoq.

IMARISAANUT NALUNAARSUUT:

1.0 Aallarniut:.....	3
1.1 Kukkuersiuinermut Ataatsimiititaliap siunertaa suliassaalu.....	3
1.2.1. Aktiaateqarluni ingerlatseqatigiiffinnut Namminersorlutik Oqartussanit pigineqartunut atatillugu Kukkuersiuinermut Ataatsimiititaliap piginnaatitaanera	4
1.2.2. Kukkuersiuinermut Ataatsimiititaliap piffissaq atuuffia	5
2.0 Kukkuersiuinermut Ataatsimiititaliap naatsorsuutitut pingaarnertut oqaaseqaatai	7
3.0 Nunatta Karsianut kukkuersiuusup kukkuersiuusut nalunaarutaanni oqaaseqaatai	7
3.1 Ukiumi naatsorsuutitut kukkuersiuusut oqaaseqaataat nutaat	9
3.2 Kukkuersiuusumit oqaaseqaatit ukiut siuliineersut suli ammasut	12
3.3 Inatsisinut naapertuunnermik kukkuersiuineq.....	17
3.4 Ingerlatsinermik kukkuersiuineq	19
4.0 Kukkuersiuinermut Ataatsimiititaliap naatsorsuutitut oqaaseqaatai.....	23
4.1 Nalinginnaasumik oqaaseqaatit.....	23
4.2 Kontonut pingaarnertut ataasiakkaanut apeqqutit	25
4.3 Pissutsit suliffeqarfinnut namminersortitanut tunngasut	31
5.0 Misissuinerit annertunerusut	32
6.0 Nunatta Karsiata naatsorsuutaanik kukkuersiuusussatut ataatsimiititaliap inassuteqaataa.....	33
7.0 Nunatta Karsiata 2019-imut naatsorsuutaasa akuerineqarnissaat pillugu inassuteqaat.....	34
Ilanngussanut takussutissiaq:	36

1.0 Aallarniut:

Nunatta Karsiata naatsorsuutai ataatsimiititaliap misissorpai, tamannalu tunngavigalugu apeqqutinik arlalinnik Naalakkersuisunut nassiussilluni. Naatsorsuutitut nassuiaatit aammalu kukkunersuisut nalunaarutaannut Naalakkersuisut oqaaseqaataat ataatsimiititaliamit tunngavigineqarput. Isumaliutissiissut una kukkunersuisut nalunaarutaannit, ataatsimiititaliap Naalakkersuisunut apeqqutaanit kiisalu Naalakkersuisut taakkununga oqaaseqaataannit akissutaannillu tigulaakkanik imaqarpoq. Inatsisartut Naalakkersuisullu pillugit Inatsisartut inatsisaanni § 18, imm. 1 naapertorlugu apeqqutit oqaaseqaatillu taamatullu Naalakkersuisut akissutaat isumaliutissiissummi ilanngussatut ataatsimiititaliamit ilanngunneqarput. Paasissutissat inunnut tunngassuteqarsinnaasut ilanngussani atortussanut ilaatinneqanngillat.

1.1 Kukkunersuiinermut Ataatsimiititaliap siunertaa suliassaalu

inatsisartutigoortumik nakkutilliinerup ikorfartorneqarnissaa, tassungalu ilanngullugu paasissutissanik arlaannaannulluunniit attuumassuteqanngitsunik, kinaassusersiunngitsunik tutsuiginartunillu paasissutissiisarnikkut innuttaasut pisortat ingerlatsineranni takunnissinnaatitaanerannik nukittorsaannissaq kiisalu pisortat ingerlatsineranni akisussaassuseqarnissamik qulakkeerinninnissaq.

Kukkunersuiinermut Ataatsimiititaliap pingaarnertut suliassaqarfii Inatsisartut Naalakkersuisullu pillugit Inatsisartut inatsisaanni §§-ini 18 aamma 19-imi allaaserineqarput. Tassani allassimavoq ataatsimiititaliap ”*Nunap Karsiata Naatsorsuutaasa Kukkunersiorneqartarnerannut Ataatsimiititaliap nunap karsiata naatsorsuutai kukkunersuiisullu taakkununga oqaaseqaataat ukiumut ataasiarluni misissortassavai, naatsorsuutillu pisariaqalersitaannik Naalakkersuisunut apeqquteqarlunilu oqaaseqarfiginnittassalluni. Apeqqutit oqaaseqaatillu Naalakkersuisut akissutaat ilanngullugit Inatsisartunut saqqummiutissavai.*” Tamatuma kingorna Kukkunersuiinermut Ataatsimiititaliap pissutsinut isornartoqartissinnaasaanut Naalakkersuisunut ilaasortat akisussaasut kinguneqartitsivigineqassanersut Inatsisartut aalajangiiffigisassaraat. Aammattaaq Kukkunersuiinermut Ataatsimiititaliaq Nunatta Karsiata naatsorsuutaanik misissuataarinerminut atatillugu isornartorsiuisimappat Naalakkersuisut naalakkersuinikkut akisussaasutut pissutsit iluarsineqarnissaat isumagisassaraat.

Suliassat inatsisini allaaserineqartut saniatigut periutsit suleriaatsillu Namminersorlutik Oqartussat suliassaasa assigiinngitsorpassuit ingerlanneqarnissaannut Naalakkersuisunit pilersinneqartut siunertarisatik malillugit atorineqarnersut nalinginnaasumik nakkutilliiviginissaat Kukkunersuiinermut Ataatsimiititaliap suliassami pingaarnarpaat ilaattut isigisaa. Tassunga

atatillugu periutsit sakkussallu aningaasaqarnermik aqutsinermut naatsorsuutinillu saqqummiussisarnermut pingaarutillit pigineqarnermut siunertarisartillu malillugu atorineqarnerannik nakkutilliinissaq ataatsimiititaliamit pingaarnerpaatinneqarpoq. Tamanna pissutigalugu *pisortani kukkunersiuiinermi ileqqussanut pitsaasunut* tunngavigineqartunut sanilliullugu ingerlaavartumik naleqqussaasarnikkut kukkunersiuisarnerup ineriartortinneqarnissaa nukittorsarneqarnissaalu Kukkunersiuiinermut Ataatsimiititaliamit qitiutinneqartuarpoq. Tamatuma nassataraa aningaasalersuineri isiginiagassat kisiisa pinnagit aammali inatsisinut naapertuunnermik ingerlatsinermillu kukkunersiuiinermi isiginiagassat ilaatinneqartarnerat suli annertusiartussammat.

Kiisalu ingerlatsinermik kukkunersiuiilluni misissuineri, ”annertunerusumik misissuinerit” aamma taaneqartartumik ingerlatsinissamut ataatsimiititaliaq periarfissaqarpoq. Tamatumani pineqartoq tassaasinnaavoq qulequtaq sunaluunniit aningaasaqarnermut tunngaviusumilluunniit pingaarutillik paasinarsinneqartussatut kissaatigineqartoq aammalu Kukkunersiuiinermut Ataatsimiititaliaq piginnaatitaanerata iluaniittoq. Qulequttamik aalajangersimasumik paasinarsisitsinissami siunertarineqartoq tassaagajuttarpoq inatsisit maleruagassallu aammalu ingerlatsinermi ileqqussat pitsaasut kiisalu pisortat aningaasaqarnermik pitsaasumik aqutsinissaanni tunngaviit nalinginnaasut naapertorlugit sipaarniarnissap, naammassisaqarsinnaassuseqarnissap sunniuteqarluarnissallu eqquutsinneqarnissaat eqqarsaatigalugit qulequttanik attuumassuteqarsinnaasunik misissueqqissaarneq. Annertunerusumik misissuineri misilittakkat uppernarsaasersukkat eqikkarniarneqartarput, tassungalu atatillugu misissuineq aallaavigalugu kaammattuutaajunnartut tunngavigalugit suliassaqarfiit akisussaasut akissuteqaataannik pissarsiniartoqartarpoq. Tunngavissat ataatsimoortut tunngavigalugit Kukkunersiuiinermut Ataatsimiititaliaq oqaaseqaateqartarpoq. Pissutsit misissorneqartut qanoq annertutigalutillu pisariutiginerat apeqqutaatillugu annertunerusumik misissuineq nalinginnaasumik qaammatinik 3-12-inik sivilissuseqartarpoq.

1.2.1. Aktiaateqarluni ingerlatseqatigiiffinnut Namminersorlutik Oqartussanit pigineqartunut atatillugu Kukkunersiuiinermut Ataatsimiititaliaq piginnaatitaanera

Inatsisartut Naalakkersuisullu pillugit Inatsisartut inatsisaanni nr. 26, 18. november 2010-meersumi § 19 naapertorlugi Namminersorlutik Oqartussat aktiaatilittut soqutigisaat Naalakkersuisunit qanoq isumagineqarnermut Kukkunersiuiinermut Ataatsimiititaliaq nakkutilliisuuffigai.

Tassunga atatillugu ingerlatseqatigiiffiit pillugit paasissutissat Naalakkersuisut pissarsiarinnaasaasa assinginiq ataatsimiititaliaq pissarsiniarsinnaavoq.

1.2.2. Kukkunersiuinermut Ataatsimiititaliap piffissaq atuuffia

Nunatsinni periutsip nunat avannarliit sinnerinut tamanut sanilliullugu immikkuullarisutigisaa tassaavoq nunatsinni Kukkunersiuinermut Ataatsimiititaliap ukiut tamaasa nutsaamik inissitsitertarnera. Nunat allat sinnerini tamani kukkunersiuinermut ataatsimiititaliamut ilaasortat piffissamut qinigaaffiusumut tamarmut toqqarneqartarput. Danmarkimi naalagaaffiup kukkunersiuisui ukiut sisamanngorneri tamaasa – Folketingimut piffissaq qinigaaffiusoq apeqqutaatinnagu – toqqarneqartarput – tamatumalu naalagaaffiup kukkunersiuisuisa imminnut aqunnerannut nukittunerulersitseqqippoq. Kukkunersiuinermut Ataatsimiititaliap ingerlalluassappat misilittakkat ataavartumillu ingerlatsisinnaaneq assut pingaaruteqartut nunani avannarlerni kukkunersiuinermut ataatsimiititalianit ataatsimullu isigalugu tamanit isumaqatigineqarpoq.

Ukiut tamaasa nutsaamik inissitsitertarluni nunatsinni periuseq suleriaatsip allannngortinneqarneranut aammalu Inatsisartuni ataatsimiititaliat sulinerisa aqqissuuteqqinneqarneranut atasumik 2000-imi atuutsinneqalerpoq. 2000 sioqqullugu ataatsimiititalianut inatsisit malillugit pilersinneqartussanut ilaasortat – tassunga ilanngullugu Kukkunersiuinermut Ataatsimiititaliap – piffissamut qinigaaffimmut tamarmiusumut atuuttussatut toqqarneqartarput, soorluttaaq nunani allani taamaattoq. Ataatsimiititaliat ukiut tamaasa nutsaamik inissitsitertarnerannik – aammalu taamaalilluni ataatsimiititaliamut ilaasortat ukiut tamaasa taarserneqarsinnaanerannik – periuseqarneq pingaartumik Kukkunersiuinermut Ataatsimiititaliami sulinerimut naapertuutinnngitsumik sunniuteqarsinnaanersoq 2000-imi aqqissuusseqqinnermut atatillugu erseqqinnerusumik isumaliutigineqanngilaq.

Kukkunersiuinermut Ataatsimiititaliap immikkut ilisarnaatigaa naalackersuinerimut tunngaveqanngitsumik sulinissap anguniartarnera aammalu Nunatta Karsiata naatsorsuutaanut kukkunersiuisullu avataaneersut nalunaarutaannut ukiumit ukiumut peqqissaartumik kinaassusersiunngitsumillu isummernissaq ataatsimiititaliap pingaarnertut suliaqartutut ingerlanissani anguniarpaa. Naalackersuinerimut tunngaveqanngitsumik sulinissamik anguniagaq Inatsisartut ataatsimiititaliaasa sinnerini sulinerimut allaanerungaatsiarpoq, tamatumani ilaasortat naalackersuinikkut isiginnittaatsitik aallaavigalugit pingaarnersiullutik tulleriarisinnaanerat inatsisitigut akuerisaalluni aammalu politikikkut qanoq pisoqarnera malillugu ataatsimiititaliamut ilaasortat akulikinnerusumik taarsertarnissaannik kissaateqartoqarsinnaalluni.

Kukkunersiuinermut Ataatsimiititaliamut ilaasortat ukiut tamaasa taarserneqartarnissaannik periarfissaqartitsinerimut pitsaaqutitut taaneqartut ataatsimiititaliamut ilaasortanik taarsiisarnep ataatimiititaliap ataavartumik sulinissaanut misilittakkanillu katersinissaanut ajoqusiisarnep annertunerusutut oqaatigineqarsinnaanerat tunngavissaqarsorinangilaq. Misilittagaqarneq ataavartumillu sulisinnaaneq siuliani taaneqartut ataatsimiititaliap sulineranut annertoorujussuarmik pingaaruteqartut Kukkunersiuinermut Ataatsimiititaliap ersarissumik isumaqarpoq, taamaattumillu Kukkunersiuinermut Ataatsimiititaliap piffissaq inissitsitertarfia piffissamut qinigaaffiusumut

tamarmut; soorlu 2000-ip tungaanut taamaassimasoq; atuuttussanngorlugu allanngortinneqassasoq ataatsimiititaliamit kaammattuutigineqarpoq. Taamaaliortoqassappat Inatsisartut suleriaasiata allanngortinneqarnissaa pisariaqassaaq, taamaattumillu Kukkunersiuinermut Ataatsimiititaliap Inatsisartut Siulittaasoqarfiat tamanna pillugu ukioq 2019-imi oqaloqatigaa.

2.0 Kukkunersiuisermut Ataatsimiititaliap naatsorsuutitut pingaarnertut oqaaseqaatai

Nunatta Karsiata 2019-imut naatsorsuutaasa kukkunersiuisumit Inatsisartunit toqqarneqartumit (Nunatta Karsiata kukkunersiuisuanit) eqqortumik takutitsisutut, tassalu annertuumik kukkuneqaratillu amigaateqannginnerannik, oqaatigineqarnerat Kukkunersiuisermut Ataatsimiititaliap naammagisimaarpaa. Namminersorlutik Oqartussat naatsorsuuseriveqarnerat, tassungalu ilanngullugu missingersuutitik malitseqartitsilluni sulineq ingerlaavartumik suli pitsanngoriaateqartartoq Nunatta Karsiata kukkunersiuisuata ukiut siulii assigalugit takusinnaasimavaa.

Taamatuttaaqq kukkunersiuisut oqaaseqaataat ukiut siuliineersup atsip matuneqarsimanera Kukkunersiuisermut Ataatsimiititaliamit iluarisimaarneqarpoq, taamaalillunilu kukkunersiuisut oqaaseqaataat ammasut maanna arfineq marluupput, taamaattorli ataatsimik nutaamik takkuttoqarsimavoq. Tamatuma saniatigut kukkunersiuisut oqaaseqaataat – suli ammasut – allat pitsanngoriarfiusimapput.

Suleriaatsit namminerlu nakkutilliinerit, Namminersorlutik Oqartussat aningaasaliissutitik naatsorsuusiormilulu maleruagassanik eqquutsitsinissaannut ikorfartuutaasut, patajaallisarneqarnissaat suli qitiutillugit eqqumaffigineqartariaqarput. Tassunga atatillugu atortorissaarutip ERP-p 2019-imi kvartalit sisamaat aallarnerfigalugu atuutilersimanera ataatsimiititaliamit eqqumaffigeqquneqassaaq. Nunatta Karsiata kukkunersiuisuata oqaaseqaatai arlallit atortorissaarummit taassuminnga aaqqiivigineqarsinnaapput.

Pingaarnertut, ukiut siusinnerusut assigalugit, uteqqinneqartariaqarpoq Nunatta Karsiata sukannersumik malinnaavigineqarnissaa taannalu pillugu nalunaarusiat pitsaasuunissaat suli kissaatigineqarmat, maleruqaqqusat atuuttut naapertorlugit naatsorsuutitut nassuiaatit eqqarsaatigalugit. Aningaasaliissutit pisariaqartumik tunngavissinneqarnissaasa qinnutigineqarsimannginneranut tunngavilersuutit amigaataanerannut tamanna immikkut atuuppoq. **Sunniutitik uuttortaanerup** suli eqqumaffigineqarnerunissaa ataatsimiititaliamit aamma kissaatigineqarpoq.

3.0 Nunatta Karsianut kukkunersiuisup kukkunersiuisut nalunaarutaanni oqaaseqaatai

Pissutsit 2019-imut naatsorsuutitut kukkunersiuisut avataaneersut Inatsisartunit toqqarneqarsimasut kukkunersiuisermittit nalunaarutaanni uparuarneqartut matuma kinguliani erseqqissarneqarput. Kukkunersiuisermittit nalunaarutit kiisalu taakkununga Naalakkersuisut oqaaseqaataat ilanngussatut ilanngunneqartuni takuneqarsinnaapput.

Pingaarnertut oqaaseqaatit

Nunatta Karsianut kukkuneriusut avataaneersut inerniliipput piffissamut 1. januar – 31. december 2019-imut naatsorsuutit pingaarnerusuni tamani eqqortuusut, tassa Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaannut nr. 26, 28. november 2016-imeersumut kingusinnerusukkullu allannguuteqartinneqartumut naapertuuttumik suliaasut.

Inerniliineq pissutsit ilaannut makkununga oqaaseqaatinik ilaqartinneqarpoq:

Nunatta Karsianut kukkuneriusut kukkuneriusut nalunaarutaanni allapput

”Namminersorlutik Oqartussat ERP-mik aqqissuussamik nutaamik, kontomut pilersaarummik nutaamik aamma aqutsisut paasissutissiissutaannik nutaamik 2019-imi atuutsitsilerput.

Taakkua ukiup ingerlanerani naatsorsuuserinermik ingerlatsinermi taamatullu ukiumik naatsorsuuseriffiusumik naammassinninnermi sunniuteqarsimapput. Taamaattumik qaammatit pingasukkuutaarlugit aningaasaqarneq pillugu malitseqartitsinerneq suliaqartoqarsimanngilaq, soorluttaaq ukiumut naatsorsuutitut uppersaatissanik suliaqarneq unammillernarsimasoq. Aamma kontonut inissitsiterineq aamma taamaattumik naatsorsuutini inissitsikkat ataasiakkaat nalorninaateqarput, suliffeqarfissuarmi kontonut pilersaarut nutaaq tamanit sungiutivinneqarsimanngimmat.

ERP-mik aqqissuussamik nutaamik atulersitsineq ukiut siuliini kukkuneriusut oqaaseqaataannut saqqummiunneqartartunut iluarsissuteqassasoq suliffeqarfissuarmut pingaartinneqarsimavoq.

Naatsorsuutigaarput tamanna 2020-mi piviusungussasoq, ukiumi tassani aqqissuussaq nutaaq ukioq ilivitoq atorineqarsimassaaq. Taamaattoq malugeqquarput, aqqissuussakkut nutaakkut unammilligassat tamarmik aqqinneqarsimanissaat naatsorsuutigineqarsinnaanngimmat, aqqissuussamik atugaqarnermut atasumik ingerlatseriaatsinik piginnaassutsinillu naleqqussaannerup aamma pisariaqartussaana pissutigalugu – minnerunngitsumik aqqissuussamik aamma kontonut pilersaarummik atuinissami ileqqussaasunik eqquutsitsinerneq malittarisassanik malinneqqissaarsinnaanermut annertuumik piumassuseqarsinnaanissaq piumasaqaataammat.”

Naatsorsuutit pillugit nalunaarut nutaaq.

Kontonut pilersaarut nutaaq pisortat ataatsimoorussaata aallaavigalugu Namminersorlutik Oqartussanut aamma kommuninut naatsorsuutit pillugit nalunaarummik ataatsimoorussamik suliaqartoqarpoq. Nalunaarut tusarniaassutigineqarpoq kisianni suli akuersissutigineqanngilaq.

Nunatta karsiata naatsorsuutai inissitsiterneqarput skemamik piunasaqaatit pinngitsoornani atorineqartussat aallaavigalugit.

Pingaarnertut oqaaseqaatinut ilaapputtaaq ukiumoortumik misissuataarinermi kukkunersuiusut oqaaseqaataat kiisalu ukiunit siusinnerusunit qulequttat sammineqaqqissimasut Naalakkersuisunillu akissuteqarfigineqarsimasut. Nunatta Karsiata kukkunersuiusua 2019-imi nutaamik ataatsimik oqaaseqaateqarnissamut pissutissaqarsimavoq. Tamatuma peqatigisaanik oqaatigineqassaaq ukiut siuliini oqaaseqaatigineqartunit arfineq marlunnit ataaseq Nunatta Karsiata kukkunersuiusua matusinnaasimagaa.

Ataani ataatsimiititaliap oqaaseqaatai eqikkarneqarsimapput, tassa issuaqqissaarneqaratik. Ukioq naatsorsuusiorfik tamarmiusoq ilanngussatut ilanngunneqartuni takuneqarsinnaavoq.

Eqikkaanerit ilanngunneqarsimasut; kukkunersuiusoq (-) aammalu ukioq manna ukiullu siuliini *Naalakkersuisunit akissutit* (o) ukioq pineqartoq nalunaarlugu. Kukkunersuiusut nalunaarutaanni Nunatta Karsiata kukkunersuiusua oqaaseqaatai normumi innersuunneqartumi pineqarput:

3.1 Ukiumi naatsorsuutitut kukkunersuiusut oqaaseqaataat nutaat

- Ukiumi kukkunersuiusut oqaaseqaateqarnissaannik tunngavissiivoq.

2019-1 Atuisunik allaffissorneq aamma allaffissornermi aaqqissuussani paasissutissanik isumannaallisaaneq.

Nunatta Karsiata kukkunersuiusua oqaatigaa

ERP-mik aaqqissuussamik nutaamik atulersitsinermut atasumik Namminersorlutik Oqartussat naatsorsuuseriveqarnerata aaqqissuussamik tapersersorneqarnera suli annermik pisariunerulersinneqarpoq.

Paasissutissanik nalunaarsuinerimik ingerlatseriaatsit tatigineqarnissaannut aalajangiisuvoq, paasissutissat aaqqissuussaniittut naammattumik isumannaallisagaasimanagerat, taamaaliornikkut piaaraluni piaarinaatsoornikkulluunniit paasissutissanik ilanngussisoqarsinnaaneranut isumannaallisaasoqarsinnaaqqullugu aamma/imaluunniit paasissutissat toqqortaatigineqareersut allangortiterneqarsinnaanerannut isumannaallisaasoqarsinnaaqqullugu.

Nunatta Karsiata kukkunersuiusua arlalinnik kaammattuuteqarpoq.

3.1.1. IT-mik nakkutilliinerit

- IT-kkut isumannaassutsip qaffasissusissaata aalajangernissaa siunertaralugu IT-kkut aarlerinartunik pisortatigoortumik pisortaniillu akuerisaasumik misissueqqissaartoqarnissaa innersuussutigineqarpoq.

- *(2019) Namminersorlutik Oqartussat paasisutissat isumannaatsuunissaannut malitassatut atuuttoq DS484 maleruartussaavaat, matumanili IT-kkut aarlerinartunik misissueqqissaarneq ilaangilaq. Taamaattorli IT-kkut aarlerinartunik misissueqqissaartarneq paasisutissat isumannaatsuunissaannut malitassatut atuuttumi ISO27001-imi ilaavoq. ISO27001-ip Namminersorlutik Oqartussani atuutilernissaa Digitalinngorsaaneermi periusissap ilagaa, 2021-illu naalernerani atuutilernissaa naatsorsuutigineqarluni.*
- Atortorissaarutini aqutsissutinilu tamani atuisunik aqutsinermut pisortatigoortumik periusissortoqarnissaa innersuussutigineqarpoq. Tassunga ilanngullugit atuisunik pilersitsinermik pisinnaatitaaffiliinermullu periutsit, iserfigisinnaasanik pisinnaatitaaffinnillu nalilersueqqittarnermik periutsit kiisalu atuisunik piffissaq eqqorlugu atuisuujunnaarsitsisarneq. Namminersorlutik Oqartussani periutsip aalajangersimasumik malinneqarnissaa aamma atuisunik pilersitsinerit, atuisunik atuisuujunnaarsitsinerit, pisinnaatitaaffinnik piffissakkaartumik nalilersueqqittarnerit kiisalu atuuffinnik immikkoortiterisarnerit pisortatigoortumik uppersaaserneqartalernissaat siunertaralugit atornerqalissasoq aamma innersuussutigineqarpoq.
- *(2019) Pisortat ataatsimut IT-mik immikkoortortaata Aningaasaqarnermut Sulisoqarnermullu Aqutsisoqarfik suleqatigalugu aqutsisunik aqutsinermut pilersitsisarnermullu tunngatillugu HR-imi atortorissaarutip Minkey-ip atuutilersinneqarnerata kingunerisaanik suliniutaasinnaasumik suliaqarsimapput. Suliniut taanna kukkunersuiusut innersuussutaani nassuiarneqartumut matussusiiinnaasutut nalilerneqarpoq. Suliniutip atuutilersinnissaa aningaasalersorneqarnissaalu suli maannamut isummerfigineqanngillat.*
- MR-akissarsiani atuisutut ataatsimut isertaammik atuisoqarani atuisut ataasiakkaarlutik isertaateqartinneqassasut innersuussutigineqarpoq
- *(2019) MR-akissarsiani ataatsimut isertaatit marluupput. Aappaa pilersuisuusumit atornerqarpoq. Aappaa tassaavoq "kukkunersuineq" taannalu atornerqanngisaannarsimalluni. 2020-p naalernerani DcR-ip ataatsimut isertaatit atornerqarneri atortorissaarummik pilersuisumut anngutissavai*
- Iersinnaanerup MR-akissarsiani ineriartortitsisunut killilerneqassasoq innersuussutigineqarpoq. Tamanna ajornarpat atuisut MR-akissarsiani iliuusaasa nakkutigineqarnissaat innersuussutigineqarpoq (log).
- *(2019) Ineriartortitsisunut iersinnaaneq Akissarsialerineri teknikkikkut sullissivimmi sulisunut pilersuisunullu marlunnut killilerneqarnikuuvoq. Allannguutit tamarmik kukkunersuineri nalunaarsorneqartuni allassimapput. 2020-p naalernerani DcR-ip apeqqut atortorissaarummik pilersuisumut qaqqissavaa.*
- Atortorissaarutip aaqqissuussaaneermigut programmini programmillu akornanni atuuffinnik immikkoortiterinerinik toqqissisimanartumik pilersitsinissamut periarfissaqartitsinersoq erseqqissarniarlugu MR-akissarsiat, IRIS aamma AX (PRISME) pisortatigoortumik misissorneqarnissaat innersuussutigineqarpoq. Tassunga atatillugu atuuffiit/pisinnaatitaaffiit

atuuffinnik immikkoortiterinermik akerleriinnermik pilersitsisartut taamaattumillu tunniunneqartussaassanngitsut pillugit takussutissiorqartariaqarpoq. Taamatuttaaq MR-akissarsiani maannakkut isissutissatut kodenut malittarisassat, isissutissatut kodenut politikkimut pingaarnermut naapertuuttunngortillugit nutarterneqarnissaat innersuussutigineqarpoq.

- (2019) Atortorissaarutip aqqissuussaannermigut programmini programmillu akornanni atuuffinnik immikkoortiterinermik toqqissisimanartumik pilersitsinissamut periarfissaqartitsinersoq erseqqissarniarlugu MR-akissarsiat, IRIS aamma AX (PRISME) pisortatigoortumik misissornissaannut 2020-mi isumalluutissaqarnissaa naatsorsuutigineqanngilaq. Innersuussut 2021-mi nalilersorneqaaqqissaaq. MR-akissarsianut isissutissatut kodenut malittarisassat, isissutissatut kodenut malitassanut pingaarnermut naapertuuttunngortillugit 2020-p naalernerani nutarterneqassapput.
- Pilersueqataasuni ingerlatsinermut atatillugu sillimaniarneq pillugu uppernarsaatiniq piniartoqarnissaa innersuussutigineqarpoq – assersuutigalugu uppernarsaat 3402-mik taaneqartartoq, matumani atortorissaarutit ataasiakkaat pilersueqataasunit aamma ingerlanneqarpata.
- (2019) Namminersorlutik Oqartussat paasisutissat isumannaatsuunissaannut malitassatut atuuttoq DS484 maleruartaasavaat. Kukkunersiuisut nalunaarutaasigut ISAE 3402-kkut suliffeqarfimmi it-kkut pissutsit pitsaasuusut taamatuttaarlu inatsisitigut piumasaqaatit malinneqartut it-qarnikkullu ileqqut pitsaasuusut uppernarsarneqarpoq. Tamanna ISO27001-ip ilagaa Digitalinngorsaanermilu periusissaq naapertorlugu 2021-p naanerani atuutilersinneqarnissaa naatsorsuutigineqarluni.
- Atortorissaarutitut aqutsissutinullu susassaqarfiganut atuisunut pininnaatitaaffiliinerit piffissakkaartumik nalilersorneqarnissaat innersuussutigineqarpoq. Sulisup pininnaatitaaffigisaasa suliaminut atatillugu pisariaqartitaanut naapertuuttut pigiinnarneqarnissaat siunertaralugu taamaaliortoqassaaq.
- (2019) Pisortat ataatsimut IT-mik immikkoortortaat Aningaasaqarnermut Sulisoqarnermullu Aqutsisoqarfik suleqatigalugu aqutsisunik aqutsinermut pilersitsisarnermullu tunngatillugu HR-imi atortorissaarutip Minkey-ip atuutilersinneqarnerata kingunerisaanik suliniutaasinnaasumik suliaqarsimapput. Suliniut taanna kukkunersiuisut innersuussutaani nassuiarneqartumut matussusiinnaasutut nalilerneqarpoq. Suliniutip atuutilersinnissaa aningaasalersorneqarnissaalu suli maannamut isummerfigineqanngillat.

! Nakkutilliisarnermik suliaasaqarfiup ineriartorfiunera Kukkunersiuiinnermut Ataatsimiititaliamit malinnaavigineqassaaq.

! Nunatta Karsiata kukkunersiuisuata kaammattuutaasa pingaarnersiorneqarlutik piviusunngortinneqarnissaannut ukiut arlalissuit ingerlaqqaartassanngitsut ataatsimiititaliamit kaammattuutigineqarpoq.

Kiisalu Nunatta Karsiata kukkunerisiisuata eqqumaffigeqquaa,

”Naatsorsuutit pillugit nalunaarut sulit atuutsinneqalinngimmat, aamma taamaattumik inissitsikkat piomasagaatinik tunngaveqanngimmata, taakkua pillugit kukkunerisiusutut oqaaseqaammik saqqummiussinissaq tunngavissaqarsorinngilarput imaluunniit 2019-imi pissutsit taakkua kukkunerisiusutut oqaaseqaammi nangaassuteqarfigisinnaanngilagut

Kukkunerisiusup innersuussutaanut Naalakkersuisut akissutaat matuma kingulianiipput:

<p>Kukkunerisiusup innersuussutaa</p>
<p>Atortorissaarummik, nakkutilliinermik ingerlatanik kiisalu matumunnga atatillugu naatsorsuusionermut tunngasunik paasisimasani ineriartortitsinermik suliat ingerlateqqinneqassasut innersuussutigineqarpoq, taamaalillutik 2020-mut ukiumoortumik naatsorsuutini naatsorsuusiortarneq pillugu nalunaarummi nutaami naatsorsuutigineqartumi immersugassatut piomasagaataasut eqqortinneqarneruniassammata.</p>
<p>Akissut:</p> <p>2020-mi atortorissaarummik, nakkutilliinermik ingerlatanik kiisalu matumunnga atatillugu naatsorsuusionermut tunngasunik paasisimasani ineriartortitsinermik suliat ingerlateqqinneqassapput, taamaalillutik 2020-mut ukiumoortumik naatsorsuutini naatsorsuusiortarneq pillugu nalunaarummi nutaami naatsorsuutigineqartumi immersugassatut piomasagaatit eqqortinneqarneruniassammata.</p>

3.2 Kukkunerisiusumit oqaaseqaatit ukiut siuliineersut sulit ammasut

- 3.2.1 Akissarsianik kukkusunik tunniussisoqartannginnissaa qulakkeerniarlugu akissarsiat tamakkiisut allattorsimaffii ataavarnerusumik atorineqartariaqarput.
 - o (2015) Akissarsiat tamakkiisumik allattorsimaffiannik suliaasaq, tassungalu ilanngullugu akissarsiat tamakkiisumik allattorsimaffiannik 2016 aamma 2017-ip ingerlanerani suliarinninnissamik piomasagaat pillugu isumaqatigiissut pingaarnerutinneqassapput.
 - o (2016) Namminersorlutik Oqartussat akissarsialerivianni 2017-imi allanngortitsisoqarniarpoq, tamannalu aqqutigalugu sulisunut akisussaasut akissarsianut aningaasartuutiniq suliaqarnerminni siornamut sanilliullugu annerusumik iluaquserneqartussaallutik. Allannguisoqarnerani ilumut sulisunut akisussaasut nakkutilliinerminnik suliaqarnerisut pillugit qitiusumiit nakkutiginninnissaq aamma iluaquserneqartussaavoq.
 - o (2017) Suleriaatsit pitsanngorsarnerat akissarsialeriffiup 2018-imi aallartippaa.

- (2018) *Aaqqiissut 2019-ip ingerlanerani atuutilissasoq naatsorsuutigineqarpoq.*
- (2019) *Akissarsiat tamakkiisut allattorsimaffinut tunngatillugu eqqaasitsissuteqartarnermik atortorissaarutip inaarlugu ineriartortinneqarnissaa 2020-mi isumaqatigissutigineqarpoq. Atortorissaarutip 2020-mi oktoberimi atulersinneqarnissaa ingerlatilernissaaalu naatsorsuutigineqarpoq.*

Paasissutissiissutigineqartut Kukkuersuinermit Ataatsimiititaliamit tusaatissatut tiguneqarput.

- 3.2.2 Ukiup ingerlanerani taarsigassarsianik malinnaatitsilluni suliaqartarnerup kiisalu naligiissarisarnerup qitiutillugit aallunneqarnerulernissaat
 - (2015) *Taarsigassarsianik naligiissaarinermik naliusunillu naliliineramik suliaq naammassineqangajalerpoq.*
 - (2016) *Taarsigassarsititsisarnerup aqunneqarnerata makkunatigut ineriartorfioqqinnissaa pillugu suliniartoqarpoq:*
 - *Namminersorlutik Oqartussat suliffeqarfıllu namminersortitat akornanni naligiissaariuarnerit nukittorsarneqassapput.*
 - *ESU-mi BSU-milu taarsigassarsiaritinneqartunik naligiissaarineq ingerlajuassaaq, INI-llu taarsigassarsiaritinneqartuni taarsigassarsiaannut tunngatillugu nakkutilliineq naligiissaarinermit nutaamut naleqqussarneqassaaq.*
 - *Ukiut 2017/2018-ikkut nikinneranni ERP-mi nutaami atortoq nutaaq alla atorlugu massakkut taarsigassarsititseriaatsip taarsernissaa sulissutigineqarpoq.*
 - (2017) *Naligiissaarineq 2017-imi pitsanngoriarsimavoq, INI-mut tunngatillugu taarsigassarsiat suli sulissutigineqarput.*
 - (2018) *Taarsigassarsianik aqutseriaaseq nutaaq aqutigalugu ingerlaavartumik malitseqartitsisoqarsinnaalissaaq. Aqutseriaaseq nutaaq 2020-p ingerlanerani piariissasoq naatsorsuutigineqarpoq.*
 - (2019) *Taarsigassarsiaritit ingerlaavartumik malitseqartinnissaannut naligiissartarnissaannullu periutsimik pilersitsiniarneq 2020-mi isiginiarneqassaaq. Taarsigassarsisitsinermit atortorissaarummik nutaamik nassaarniarneq suli ingerlavoq, taamaattoq inaarutaasumik suli aalajangertoqarani. Taamaattumik taarsigassarsisitsinermit atortorissaarut pisoqaaq ukiut arlaqanngitsut iluanni atorunnaarsikkiartuaarsinneqassaaq.*

Paasissutissiissutigineqartut Kukkuersuinermit Ataatsimiititaliamit tusaatissatut tiguneqarput.

- 3.2.3 Pilersuisunut akiitsunik naligiissaarineq pitsaanerulerpoq sulili sukateriffigineqartariaqarluni.
 - (2015) *Akiligassaqaqarfinnik annerpaanik naligiissitsisarnernik qaammatikkaartumik uppernarsaasiisoqartalissaaq taamatullu akiligassaqaqarfiit minnerusut ilaannik tiguisarluni misissuisoqartalerluni.*
 - (2016) *Akiitsoqarnermut tunngatillugu naligiissaarisarnerup pitsanngortinnissaa 2017-imi sulissutiginiarneqarpoq. Taamatut naligiissarisarneq unamminartuuvoq, tamatumunngalu ilaatigut pissutaavoq akiitsoqartitsisoq namminersorlutik oqartussani immikkoortuararpassuarnut nassiussuisarmat, tamannalu pissutigalugu namminersorlutik oqartussani kontunik arlalinnik nassitsiffissaqarluni. Ingerlaavartumik naligiissaarisarnissat nukittorsarniarlugit sulisoqarpoq, akiitsoqarfiillu qaammatit tamaasa naligiissaarisalissapput.*
 - (2017) *Akiligassaqaqarfinnut naligiissaarinermi suleriaatsip pitsanngorsarnera 2018-imi suliarineqassaaq. ERP-mi nalunaarsuiffik aqutugalugu aqqinneqassasoq naatsorsuutigineqarpoq.*
 - (2018) *ERP-mik aqutseriaaseq nutaaq juni 2019-imi ingerlalersoq aqutseriaasitoqqamut sanilliulluni naligiissaarinermik suliaqarneq pitsaanerusumik tapersertarpaa, taamaattumillu 2019-ip sinnerani 2020-illu aallartinnerani ilanngullugu pitsanngoriaatit piviusunngussapput.*
 - (2019) *Namminersorlutik Oqartussat 2019-imi ERP-systemi nutaaq, kontut nalunaarsorsimaffiat nutaaq aamma pisortat akornanni paasissutissiivik nutaaq atuutilersippaat, atuutilersitsinerup kingunerisaanik pilersuisunut taarsigassarsianik naligiissaarinermik sulineq kinguaattoorpoq – kinguaattoorneq angummanniarnermik kingornatigut ajornakusoortitsisoq. 2020-mi naligiissaarinermik periutsinik, akiligassaqaqarfinni naligiissaarinermik sulineramik pitsanngorsaasumik pilersitsinissaaq, tassunga ilanngullugu inissitsikkanik ammaannartunik naligiissaarinermilu assigiinngissutsinik iluarsiiisuteqarnissaaq isiginiarneqarput.*

Paasissutissiisutiginetartut Kukkunersuineranut Ataatsimiititaliamit tusaatissatut tiguineqarput.

3.2.5 Akissarsiat naatsorsuutunut nalunaarsoriikkat naligiissaarneri, kiisalu Sulinal aamma XAL ataqatigiinnerannik naligiissaarineq.

- (2016) *Sulinal aamma XAL-ip akornanni nuussisarnernut pisunut naatsorsueriaatsinik suliaqarnissamik aallartitsisoqarniarpoq. Naatsorsuinerit tamatuma kingorna naatsorsuineramik suliaqarnissami ingerlasumi ilanngunneqassapput.*

- (2016) *Suliap ingerlanissaa allaaserineqareerpoq naligiissitsisarnissavimmillu suliaq ukioq manna aallartinneqassaaq.*
- (2017) *Akissarsialeriffiup, Sulinal aamma XAL akornanni qaammatit tamaasa naligiissaarinerimik qulakkeerinnittumik suleriaatsit akissarsialeriffiup 2018-imi sularai. ERP-mut tunngatillugu immikkoortup sulissutiginera ingerlateqqinneqarpoq.*
- (2018) *Sulinalip aamma XAL-ip akissarsiat ingerlatsiviginerani nalunaarsuiffiata akornanni naligiissaarinerimik suliaqarnissaaq ajornarpoq. Unammilligassaaq tassaavoq akissarsianut aningaasartuutit XAL-imi ataatsimoortillugit nalunaarsorlugit allatorneqartarnerat tamatuma akissarsianut aningaasartuutit akileraarutaasussat aamma akileraarutaasussaannngitsut XAL-imiittut avissaartinnissaat ajornartippaa. ERP-mi suliniummi kontunut inississuisarneq nutaaq sularineqarpoq, siunissami naatsorsuuserinerimi pisariaqartumik immikkoortitsisinnaaneq tamatuma periarfississavaa.*
- (2019) *Akissarsialerissutip nutaap siusinnerpaamik 2021-22-mi atuutilersinneqarnissaa naatsorsuutigineqarpoq. Missingiinerimi matumani suliassap sulariumannittussarsiornerani kingullermi illuatungeriinnut tamanut naammaginartumik neqerooruteqartoqarnikuunnginnera tunngavigineqarsimavoq.*

Paasissutissiissutigineqartut Kukkunersiuinermut Ataatsimiititaliamit tusaatissatut tiguneqarput.

(Kukkunersuiisup oqaaseqaataa 2016-04)

- 3.2.6 Akiligassaqarfiit aamma aningaaserivimmiittuutit naligissaarneranni inissitsikkat ammasut aalajangiiffigineqarneranni amigaatit.
 - (2016) *Aningaaserivinni kontunut tunngatillugu DcR-imi naleqqussaasarnermut periutsit atorneqartut 2016-imi allanngortinneqarsimapput, taamaaliornikkut kontut sorliit naleqqussarneqarsimanersut, qassiunersut, qanoq pisoqaatiginersut aamma akiitsut ammaannartut qassiusinnaaneri tamakkerlugit takuneqarsinnaalersimallutik. Kukkunersuiisoqarfik takussutissanut taakkununga nutaanut isersinnaalersimavoq. DcR-imi naleqqussaasarnerit allanngornerisa kingorna kontunut aalajangersimasunut aningaaserivinni naleqqussaanerit ingerlanneqarfianni malitseqartitseriaatsimik suliaqarluni Kukkunersuiisoqarfik aallartissimavoq.*
 - (2017) *Naligiissaarinerimi periutsinik pitsanngorsaaneq ingerlaavartumik sulissutigineqarpoq.*

- *(2018) Inississukkat ammasut isumannaarnissaannut DcR-imi nukissanik atuisoqangaatsiartarpoq tamatumalu kingorna taakkuninnga isumaginninnissami immikkoortunut paasissutissiillunilu ikiorsiisarpoq. Namminersorlutik Oqartussani qitiusumik kukkunersiuisarfiup suleqatigineratigut tamanna suliarineqartarpoq. Siunissami aallussassat tassaapput malitseqartitsinermi suleriaatsip pitsanngortinnissaa naatsorsuutinilu inississukkat ammasut aaqqiivigineqartarnissaat.*
- *(2019) Inississukkat ammasut isumannaarnissaannut DcR-imi nukissanik atuisoqangaatsiartarpoq tamatumalu kingorna taakkuninnga isumaginninnissami immikkoortunut paasissutissiillunilu ikiorsiisarpoq. Namminersorlutik Oqartussani qitiusumik kukkunersiuisarfiup suleqatigineratigut tamanna suliarineqartarpoq. Inississukkanik ammasunik malitseqartitsisarnermik isumaginnittarnermillu periutsinik pitsanngorsaaniisaaq suli isiginiarneqassaaq.*

Paasissutissiissutigineqartut Kukkunersiuinermut Ataatsimiititaliamit tusaatissatut
tiguneqarput.

- 3.2.8. Ernialersuinermi aamma akilersuutinik akileeqqusissutinik ingerlatsinermi amigaataasut.
 - *(2018) Allaffissornikkut periutsimik ilanngussisoqarnikuuvoq, tamanna taarsigassarsiat akilerneqarsimasut, eqqortumik naatsorsuuserinikkut suliarineqarnissaannik qulakkeerisuuvoq. Siunissamut aaqqiissutisaaq suli tassaassaaq, taarsigassarsisitsinermi atortorissaarummut nutaamut taarsigassarsiarineqartut nuunnissaat. Taarsigassarsisitsinermi atortorissaarummik nutaamik nassaarniarneq suli ingerlanneqarpoq, kisianni inaarutaasumik aalajangernisaaq suli pinngilaq.*
 - *(2019) Namminersorlutik Oqartussat taarsigassarsiassanik, piviusumilli tapiissutaasunik soorlu assersuutigalugu ernialersugaanngitsunik akilersuutitaqanngitsunillu taarsigassarsisitsisarnerat pissutigalugu taarsigassarsianut atortorissaarummik nutaamik nassaarniarnisaaq ajornakusoorpoq. Taarsigassarsititsisarnermi nalinginnaanerusuni amerlanerusuni pissutsinik taama ittunik isumaginninnissamut atortorissaaruteqanngilaq.*

Paasissutissiissutigineqartut Kukkunersiuinermut Ataatsimiititaliamit tusaatissatut
tiguneqarput.

3.3 Inatsisinut naapertuunnermik kukkunerisiuineq

2015-imit ilaatinneqalerpoq. Tamanna imatut paasineqassaaq kukkunerisiuinermi anguniarneqartut ilagigaat nakkutigissallugu allaffissornikkut ingerlatsineq iliuutsillu naatsorsuutitut saqqummiussanut ilaatinneqartut, aningaasaliissutitut nalunaarutigineqartunut, inatsisinut peqqussutinullu allanut kiisalu isumaqatigiissutitut nalinginnaasumillu periutsitut naapertuuttuunersut. Aningaasalersuinermik kukkunerisiuinermit atatillugu inatsisinut naapertuunnermik kukkunerisiuineq pisortani kukkunerisiuinermi ileqqussanut pitsaasunut ilaavoq. Suliassa qarfiup taassuma Nunatta Karsiata naatsorsuutai pillugit kukkunerisiuisut nalunaarusiaannut ilaatinneqarnera suli annertusiartortinneqarpoq.

Nakkutilliinermik suliassa qarfik pillugu

Nakkutilliinermik suliassa qarfik ingerlatsiffigineqartartut tassaapput suliffe qarfik, ingerlatseriaatsit, piginnaassutsit aamma atortut ikiorsiissutit maleruagassat eqquutsinneqarnissaannik Namminersorlutik Oqartussat qulakkeerinninniarlutik sulineranni ikorfartuutaasut.

Ukiunut siuliinut tunngatillugu siunnersuutit uku Nunatta Karsiata kukkunerisiuisuata isumaliutigisassanngorlugit saqqummiuppai:

- Ileqqorissaarnermut najoqqutassiorneq
- Inatsisit allattorsimaffiisa katersat nukittorsarneqarnerat
- Suliamik ingerlatsisunut qarasaasiat aqqutigalugit ilinniarnernik atulersitsineq
- Suliamik ingerlatsinermi qarasaasiap piginnaasaata nukittorsarneqarnissaa
- Suliani inatsisinik paasinninnermut tunngasuni, aallartitatut pisinnaataaffiit aamma attuumassuteqartussaanginnermut malittarisassat pillugit nalornisoqarsimatillugu Inatsilerinermik immikkoortota qarfimmuut paasiniaasussaataa nermit pisussaaffik
- Sulianik ingerlatsinerup suliffe qarfiup iluani kingusinnerusukkut nakkutilliiffisarnissaannik eqquussineq

Qulequttat nakkutilliinermik suliassa qarfiup pitsanngorsarneqarnissaannik kukkunerisiuisup avataaneersup Naalakkersuisullu allaffeqarfiisa akornanni ingerlaavartumik oqaloqatigiinnernut ilaapput. Immikkoortut itisilerneqarnissaannut Nunatta Karsiata 2016-imut naatsorsuutaanut isumaliutissiissut innersuussutigineqarpoq. Nunatta Karsiata kukkunerisiuisua ingerlaavartumik malitseqartitsisarpoq akissutillu siunissami suliassanut ilannguttarlugit.

- Nakkutilliinermik suliassa qarfiup iluani ineriartorneq Kukkunerisiuinermit Ataatsimiititaliamit suli malinnaavigineqarpoq.

Aningaasaliissutininik nakkutilliineq

Aningaasaliissutininik nakkutilliinermut ilaapput atukkat paarlattuanik aningaasaliissutit, nuussinissamut malittarisassat il.il.

Nunatta Karsiata kukkunersiuisuata naatsorsuutininut nassuiaatit misissorpai. Nunatta Karsiata kukkunersiuisuata oqaatigaa:

”Naatsorsuutinulli nassuiaatit peqqissaarunneqaneri pissutaasunillu allaaserisaqartarneq nikerarput – tassunga ilanngullugit nikingassutit suliassanik allanngortitsisimanernik pissuteqarnersut erseqqinnerusariaqarput.

Atorfiit inuttaleruminaatsinneqarsimaneri nikingassutininut pissutaappata, isumarput malillugu tamanna suliassa qarfiup iluani naammassinninniarnermut qanoq kinguneqarsimanersoq allaaserineqartariaqarpoq.

Nikingassutininut nassuiaatini amerlanngitsuinnarnit taaneqarpoq, suna pissutigalugu nikingassutit matussuserniarlugit aningaasaliissutininik pissarsiniarnerup pisinnaasimannginera.”

! Nikingassutit nassuiaatigineqarnissaannik maleruagassat immikkoortortanut erseqqissarneqarnissaat kiisalu nikingassutit **sunniutaat allaaserineqassasut Kukkunersiuiinermut Ataatsimiititaliamit **sakkortuumik kaammattuutigineqarpoq.****

Pisiniarnernik ingerlatsinerit

Neqerooruteqartitsisarnermut inatsit nutaaq 1. juli 2019-imi atuutilersoq Kukkunersiuiinermut Ataatsimiititaliamit maluginiarneqarpoq.

Nunatta Karsiata kukkunersiuisuata oqaatigaa:

”Ukioq 2019 ukiutut atuutsitsilerfittut isigineqarpoq, kisianni naatsorsuutigaarput 2020-mi malitseqartitsissalluta, Namminersorlutik Oqartussani immikkoortortat qanoq iliorlutik inatsimmik nutaamik atuutsitsinerup qulakkeerneqarnissaanik suliniuteqarneri pillugit, taakkununga ilanngullugit qanoq iliorluni pisiniarnerit annertuut aamma annertuujunngitsut killeqarfilersornissaannut tunngasunik.”

! Pisiniarnermik suliassa qarfimmi ineriartorneq, tassungalu ilanngullugu inatsimmik nutaamik atuutsitsilerneq taassumalu **sunniutai Kukkunersiuiinermut Ataatsimiititaliamit qanimut **malinnaavigineqarput.****

Aningaasarsianut atorfinitsitsisarnermullu tunngasumik iliuutsit

Kukkunernik annertuunik siumuisoqarsimangilaq. Atorfinitsitsinernili arlalinni atorfininnermut isumaqatigiissutit utertinneqarsimangillat.

Naalakkersuisut akipput atortorissaarutip 2021-p aallartinnerani atuutilersinneqarnissaa naatsorsuutigineqartoq.

! Tamanna malitseqartinneqassasoq Kukkunersiunermit Ataatsimiititaliamit sakkortuumik kaammattuutigineqarpoq.

Tunisinerit

Suliassa qarfinnut arlalinnut tunngatillugu Namminersorlutik Oqartussat suliffeqarfiutaat avataani suleqatigisanut kiffartuussinernik tunisaqartarput. Erseqqinngilarli suliat sorliit ”isertitanit matussuserneqartartutut” ingerlanneqartarnersut aammalu kiffartuussinerit taakkua akii qanoq aalajangersarneqartarnersut.

Nunatta Karsiata kukkunersiuisuata kaammattuutigaa:

”Taamaattumik innersuussutigiumavarput, ingerlatsiviit isertitanit matussuserneqartartut najoqqutassaannik suliaqartoqaqqullugu, akunnermut akinik naatsorsuisoqarnissaanut piumasaqaatit ilanngullugit kiisalu allaffissornermi qulequtassaq (allaffissornermit ilanngussaq), angusassatut piumasaqaatinut aalajangersaanerit kiisalu sinneqartoorutaasinnaasut atornissaannut aalajangersaanerit”

Naalakkersuisut akipput:

Suliassa qarfinni, missingersuutini tamarmiusuni pingaarnertut ingerlatat isertitanit matussuserneqartartut imaluunniit atuisunit akiliutigineqartut pingaarutilimmik inissisimaffigisaanni, assersuutigalugu aatsitassanut suliassa qarfimmi – akunnernik aqutsissummik atuutilersitsisoqarsimavoq, tamatumani nukinnik atuinertit eqqoqqissaartumik nalunaarsorneqarsinnaalerlutik.

! Kukkunersiuisup kaammattuutai Kukkunersiunermit Ataatsimiititaliamit malitseqartinneqassaaq.

3.4 Ingerlatsinermik kukkunersiuiineq

Aningaasalersuinerimik aammalu inatsisinut naapertuunnermik kukkunersiunermit atatillugu ingerlatsinermik kukkunersiuiineq pisortani kukkunersiunerimi ileqqussanut pitsaasunut aamma ilaavoq. Tamatumani pineqarpoq naalakkersuinikkut aalajangikkat sipaarniarluni,

naammassisaqarsinnaassuseqarluni sunniuteqarluartumillu ingerlanneqarsimanersut pillugu misissuineq, taakku pitsanngorsarnissaannut kaammattuutitallit.

Nakkutilliinermik suliassaqarfik

Inatsisinut naapertuuttumik kukkunersiuineq assigalugu nakkutilliinermik suliassaqarfik ingerlatsinermik kukkunersiuinermut aamma ilaavoq. Tamatumani qulequttat uku pineqarput:

- Aningaasaliissutit qaammatinut aamma aningaasaqarnermut kontunut assigiinngitsunut agguannerisigut missingersuutinik aqutsilluarnerulerneq
- Suliffeqarfiup iluani isumaqatigiissutinik aqutsineq atornerullugu suliniutit anguniakkallu pillugit attaveqatigiittarnerup atornerulernissaa
- Suliniutit aningaasatigut aqunneqarnerisa nukittorsarneqarnerat, taakkununga atatillugu nammineq piffissamik atuinerup uuttortarneqarnera nalunaarsorneqarneralu aqutugalugit
- Tapiissutitut tunniunneqartut atorneqartarnerisa nalilersorluarnerunissaat
- Pisisarfinnut avataaneersunut pisinermi malittarisassat sakkortunerit atulernissaat
- Aqutsisunut paasisutissiisarnerup nukittorsarnissaanut kisitsisitigut paasisutissaateqarnerulerneq
- Piffissaq ungasinnerusoq eqqarsaatigalugu suliat aamma nukissat aqunneqarnerannik kiisalu uuttuinermi aamma angusat aqunneqarnerannik nukittorsaanermik sulinerup ingerlaannarnissaa

Qulequttat nakkutilliinermik suliassaqarfiup pitsanngorsarneqarnissaanik kukkunersiuusup avataaneersup Naalackersuisullu allaffeqarfiisa akornanni ingerlaavartumik oqaloqatigiinnernut ilaapput. Immikkoortut itisilernerneqarnissaannut Nunatta Karsiata 2016-imut naatsorsuutaanut isumaliutissiissut innersuussutigineqarpoq. Nunatta Karsiata kukkunersiuusua ingerlaavartumik malitseqartitsisarpoq akissutillu siunissami suliassanut ilannguttarlugit.

EU-p innersuussutaanik malitseqartitsineq

EU Kommissionip suliniutigeqqusai arlallit malinniarlugit ukiumut naliliinermik nalunaarusiaq suliarineqartarpoq.

Ukiumut naliliinermik nalunaarusiaq Kukkunersiuinermut Ataatsimiititaliamut nassiunneqassasoq Nunatta Karsianut kukkunersiuusup kaammattuutigaa.

! Ukiumut naliliinermik nalunaarusiaq Kukkunersiuinermut Ataatsimiititaliamut nassiunneqassasoq kaammattuutigineqarpoq.

Namminersorlutik Oqartussat aningaasaqarnermik aqutsinerat

Aningaasaliissutinik nakkutilliinerup saniatigut suliniutit angusallu akornanni annertunerusumik ataqatigiittoqarsinnaasoq Nunatta Karsianut kukkunerisiuisoq isumaqarpoq. Suliassat aammalu sulisut aningaasallu atorneqarsinnaasut nassuiaatigineqarsimanerannut assersuutissat ikittuinnaapput.

Ineriartortinnissaata ukiunik arlalinnik sivilissuseqarnissaa ilimanartoq aammalu paasissutissatut tunngavissat pitsaanerunissaannik allaffissornikkullu nukissat amerlanerunissaannik pisariaqartitsiviussasoq Nunatta Karsiata kukkunerisiuisua naliliivoq.

Paasissutissiissutigineqartut Kukkunerisiuinermit Ataatsimiititaliamit tusaatissatut tiguneqarput.

! Paasissutissiissutigineqartut Kukkunerisiuinermit Ataatsimiititaliamit tusaatissatut tiguneqarput maluginiaqquneqarporlu ERP-mik atuutilersitsinissaq sulinermit tamatumani pingaarutilimmik alloriarnerummat.

Anguniagassanik aamma angusanik aqutsineq

Anguniagassanik aamma angusanik aqutsinermit pineqarput, anguniagassat taakkua aqutsisunit ulluinnarni qanoq nassuiaaserneqartarnerat aammalu anguniagassatut inissinneqartut qanoq anguneqarnissaannut malitseqartitsisarnerup innera.

Periuseqarnermik ingerlatsinermit suliaq ullumikkut inuit ataasiakkaat iliuuseqarnerannit sunnersimaneqarpoq.

Ineriartortinnissaata ukiunik arlalinnik sivilissuseqarnissaa ilimanartoq aammalu paasissutissatut tunngavissat pitsaanerunissaannik allaffissornikkullu nukissat amerlanerunissaannik pisariaqartitsiviussasoq Nunatta Karsiata kukkunerisiuisua naliliivoq.

Sunniutit nalilernerannik suliaq pingaartumik piginnaasanik ullumikkut suliffeqarfimmi immikkoortuni amerlanerpaani pigineqartunit allaanerusumik piumasaaqatitaqarmat, naliliisoqarpoq piginnaanngorsaaqqinnermik pilersaarummik ingerlatsinermit annerusumik pisariaqartitsisoqassasoq.

! Paasissutissiissutigineqartut Kukkunerisiuinermit Ataatsimiititaliamit tusaatissatut tiguneqarput maluginiaqquneqarporlu ERP-mik atuutilersitsinissaq sulinermit tamatumani pingaarutilimmik alloriarnerummat.

Pisortat pisiniartarnerannik aqutsineq

Aningaasaqarnermut Sulisoqarnernullu Aqutsisoqarfimmi pisiortortarnermi immikkoortortaq pilersinneqarsimavoq. Immikkoortumi pisiniarnermi isumaqatigiissutinik pilersitsisoqarsinnaaneranut periarfissat misissorneqartarput kiisalu neqeroortitsinerinik ingerlatsinerit pillugit siunnersuisoqartarluni.

Suliassaqarfimmi periarfissarpassuarnik atorneqanngitsunik peqartoq siusinnerusukkut nalilerneqarpoq.

! Paasissutissiissutigineqartut Kukkunersiuinermut Ataatsimiititaliamit tusaatissatut tiguneqarput Naalakkersuisunullu kaammattuutigineqassaaq pisiniartarnermi periarfissat atorluarneqanngitsutut paasineqartut atorluareroqqullugit.

Ukiuni arlalinni aningaasaliiffigisassatut suliniutit missingersuutaannik aqutsineq

Aningaasaliinernik ukiunik arlalinnik sivisussusilinnik suliaraqneq nukittorsarneqarpoq, suliassaqarfimmut pilersaarutit aamma nuna tamakkerlugu pilersaarusiernerup aaqqissuussaannerusup eqqunneqarnerisigut. Suliniutit aallaaviatigut Aningaasanut Inatsit aqputigalugu taamaallaat akuersissutigineqartalissapput, suliniut suliassaqarfimmut pilersaarutinik suliagarnerup iluaniissimappat aamma sanaartugassatut pingaarnersiorneqarsimappat.

Suliniutit aningaasaliiffigineqartut ingerlaavartumik piviusunnngortinneqarnissaannut tapertassatut suliniutinut periutsit assigiinngitsut ineriartortinneqarsimapput, taakkuli assigiinngitsumik annertussuseqartumik atorneqartarput.

Paasissutissiissutigineqartut Kukkunersiuinermut Ataatsimiititaliamit tusaatissatut tiguneqarput.

Pisortat tapiissutaannik aqutsineq

Namminersorlutik Oqartussat tapiissutinik aaqqissuussannik ingerlatsinerimut allaffissornermik immikkoortortaq annertuumik akisussaatinneqarpoq, tassannga tapiissutit allaffissorneraanut periusissat aalajangersorneqartarlutik. Suliassaqarfimmi amerlanerpaani qinnuteqaatinik ingerlatseriaatsit, agguaasseriaatsit aamma killissarititaasut pingaarnertigut allaaserineqarsimapput.

Tapiissutit kissaatigisatut **sunniuteqarnerannik** malittarinninnissaq suliassaqarfiit ilaanni suliniutigineqarsimavoq.

Tapiissutit aaqqissuussinerit aqunneqarnerannik pitsanngorsaalluni sulineq aatsaat atulersinniarnearnermiippoq. Paasissutissiissutigineqartut Kukkunersiuinermut Ataatsimiititaliamit tusaatissatut tiguneqarput.

4.0 Kukkunersiuinermut Ataatsimiititaliap naatsorsuutitut oqaaseqaatai

Nunatta Karsianut kukkunersiuisup oqaaseqaatai siuliani taaneqartut kiisalu naatsorsuutitut nassuiaatinik misissuineq tunngavigalugit apeqqutit arlallit akeqqullugit Naalackersuisut Kukkunersiuinermut Ataatsimiititaliamit qinnuigineqarput. Tigulaakkani matuma kingulianiittuniittuni pineqarput apeqqutit Kukkunersiuinermut Ataatsimiititaliamit oqaaseqaateqarnissamat tunngavissisut. Apeqqutit akissutillu tamakkiisut ilanngussatut ilanngunneqartuni takuneqarsinnaapput.

Oqaaseqaatit arlallit pissutsinut qulequttanullu, siusinnerusukkut naatsorsuutitut ataatsimiititaliap suliarinninnerinut atatillugu aamma taaneqartunut, aamma oqaaseqaateqarfigineqartunut sulilu ammasunut attuumassuteqarput.

Apeqqutit immikkoortunut marlunnet immikkoortinneqarput – siullermi (4.1) nalinginnaasumik apeqqutit arlallit kontonut pingaarnernut arlalinnut attuumassuteqartut pineqarlutik. Aappaani (4.2) pineqarput 2018-imut aningaasanut inatsimmi kontonut pingaarnernut taaneqartunut arlalinnut atatillugu apeqqutit. Kukkunersiuinermut Ataatsimiititaliap paasissutissiissutigineqartunut oqaaseqaatai matuma kinguliani erseqqissunngorlugit allassimapput.

4.1 Nalinginnaasumik oqaaseqaatit

Nalinginnaasumik oqaaseqaatit qulequttanut pingaarnerusunut immikkoortunulluunniit, suliassaqrarfiit akimorlugit suliniutinik kontonilluunniit arlalinnik imaqartunut tunngapput.

4.1.1 Atorfiit inuttaqanngitsut malitsigisaanillu sunniutit

Ukiut siuliinisut Kukkunersiuinermut Ataatsimiititaliap maluginiarpaa suli suliassaqrarfeqartoq atorfiit inuttaqanngitsut atuinermut nikingassutinut ilaatigut annertusinnaasunut tunngavilersuutigineqartartunik.

! Atorfinnut inuttaqanngitsunut pissutaasut ajornakusoortullu assigiinngiaarsinnaasut Kukkunersiuinermut Ataatsimiititaliamit maluginiarneqarpoq. Atorfinnut inuttaqanngitsunut tamatumalu qitiusumik suliassat ingerlanniarnearneranni kingunerisaanut takussutissiamik tamatigoormerusumik Naalackersuisut suliqaarnissaat Kukkunersiuinermut Ataatsimiititaliamit ukiut siulii assigalugit kaammattuutigineqarpoq. Aammattaaq atorfiit inuttaqanngitsut atuinerup nikingassuteqarneranut peqqutaagaangata atorfiit inuttaqanngitsut sunniutaat pillugit naliliineq naatsorsuutitut nassuiaatini allanneqartariaqarpoq.

4.1.2 Siunnersortinik avataaneersunik atuineq

Namminersorlutik Oqartussat siunnersortinik avataaneersunik atuiunnaavinnissaat takorlooruminaappoq. Suliassat ilaat piginnaasanik / immikkut ilisimasanik Namminersorlutik Oqartussat sulisuisa akornanni nalinginnaasumik nassaassaangitsunik pisariaqartitsiviupput, soorluttaaq piginnaasat pisariaqartinneqartut qaqutiguiinnaq atorneqartarnissaat ilimagi-neqarsinnaassasoq. Ilaatigut taamaattoqartillugu siunnersortinik avataaneersunik atuinissaq isumatusaarnerusinnaavoq.

Akerlianik assersuutigalugu isumaqatigiissutit atuuttut avaqutaarniarlugit siusinnerusukkut sulisorisimasanik atorfinitsitsinertut ilusilerlugu siunnersortinik avataaneersunik atuisoqanngilluinnassaaq. Aammattaaq suliassat allaffeqarfimmi immikkoortortanit taakkuluunniit immikkoortortaannit ingerlanneqarluarsinnaagaluartut siunnersortinut suliaritinneqartariaqanngillat.

Siunnersortinik avataaneersunik atuisoqartillugu aningaasaqarnikkut eqqumaffiginiagassat isiginiarneqartarnerat annertusaqqullugu Naalakkersuisut ataatsimiititaliamit ukiuni kingullerni kaammattorneqartarput. Siunnersortinik avataaneersunik atuineq Namminersorlutik Oqartussat attassiniarnermut politikkiannut aammalu Namminersorlutik Oqartussani piginnaasanik annertusaanissamik ilisimasanillu avitseqatigiittarnissamik pisariaqartitsinermut atatillugu isigineqartariaqartoq ataatsimiititaliaq suli isumaqarpoq.

Nunatta Karsiata 2014-imut naatsorsuutaasa Inatsisartunit akuerineqarnissaat pillugu Kukkuersiuinermut Ataatsimiititaliap isumaliutissiissutaanut aammalu siunnersortinik avataaneersunik atuinermut atatillugu Naalakkersuisut akissutigaaat kukkuersiuinermut ammanerulernissamik, tassungalu ilanngullugu siunnersortinit sullississutit assigiinngitsut nalunaarsornissaannut naatsorsuuserinermik immikkoortortaqarfiit pitsaaneruseqarpoq periarfissaqartinneqarnissaannik Kukkuersiuinermut Ataatsimiititaliap qinnuiginninnera tusaatissatut tiguneqartoq.

2018-imut naatsorsuutitut tunngatillugu Kukkuersiuinermut Ataatsimiititaliaq malitseqartitsivoq siunnersortinillu sullinneqarneq pillugu takussutissiamik pissarsilluni. Taanna 2018 pillugu atortussanut ilanngussani takuneqarsinnaavoq.

Ukioq 2019-imut tunngatillugu naatsorsuineramik nutaamik Kukkuersiuinermut Ataatsimiititaliaq piniarsimangilaq.

Pineqartoq pillugu Naalakkersuisut misissueqqissaarnerat ungasinngitsukkut tamanut saqqummiunneqartoq ataatsimiititaliamit innersuussutigineqarpoq.

Taanna uani pissarsiarineqarsinnaavoq

<https://naalakkersuisut.gl/~media/Nanoq/Files/Pressemeddelelser/2020/Selvstyrets%20brug%20af%20eksterne%20konsulenter%20kal.pdf>

Takussutissiamut Kukkunersuinermit Ataatsimiititaliaq ima oqaaseqaateqassaaq:

- ! Namminersorlutik Oqartussani siunnersortinik atuineq pillugu naatsorsuutininik nassuiaasersukkanik siunissami Nunatta Karsiata naatsorsuutaanut nalunaaruteqartarnermut aalajangersimasumik ilanngussisarnissaq siunertaralugu suliniutinik pisariaqartunik Naalakkersuisut aallartitsinissaannik kaammattuutini ataatsimiititaliap sakkortuseqqippaa.
- ! Kukkunersuinermit Ataatsimiititaliap isornartoqartippaa nunatta avataaneersunik siunnersortinik atuineq pillugu kukkunersuinermit ataatsimiititaliap aqqeqqusarsimasai Aningaasaqarnermut Naalakkersuisup suliaassat imminerminut pisussaaffigisassanngortitaasut malillugit suliaqartarsimannginnera.

4.2 Kontonut pingaarnernut ataasiakkaanut apeqqutit

Immikkoortumi matumani Kukkunersuinermit Ataatsimiititaliap apeqqutaanit tigulaakkat aningaasanut inatsimmi kontonut pingaarnernut ataasiakkaanut attuumasut takuneqarsinnaapput. Aningaasaliissutinik nakkutilliinerup aammalu naatsorsuutini nikingassutitut nassuiaatit naatsorsuutitut nassuiaatini nalunaarneqartut misissornerisa ilaatut apeqqutit apeqqutigineqarput. Pissutsit pineqartut matuma kinguliani eqikkaavigineqarput. Naatsorsuutini nassuiaatit aammalu ataatsimiititaliap apeqqutai akissutillu pillugit ilanngussatut ataatsimoortutut ilanngunneqartut innersuussutigineqarput.

20.10.25 Ineqarnermut taarsigassarsiat akilerneqarneri.

Konto pingarneq	Taaguutaa
20.10.25 (-)	Ineqarnermut taarsigassarsiat akilerneqarneri -44.515 tkr.
Kukkunersuinermit Ataatsimiititaliap Oqaaseqaatai/apeqqutai	20.10.25 – ineqarnermut taarsigassarsiat akilerneqarneri il.il. ikiliartorput. Naatsorsuutigineqartunut piviusunngortinneqartunullu kiisalu ukiumut siuliiut tunngatillugu nikingasoqartorujussuvoq. Suut pissutaanersut erseqqinnerusumik nassuiarneqarsinnaappat. Qanoq annertutigisumik kurs 100 ataallugu siusinaartumik akiliisarnerit atorineqartarsimappat?
Akissut	Taarsigassarsiat siusinaartumik akilernissaannut periarfissaq ullormi 1. januar 2018 eqqunneqarpoq, 2018-illu ingerlanerani ineqarnermut taarsigassarsianut 56.899 kr.-nik akiliisoqarpoq 13.114 kr.-ninullu isumakkeerinnittoqarluni. 2018-imi ineqarnermut taarsigassarsiat siusinaartumik akilernissaannut suliat 304-t suliarineqarsimapput. 2018-imi aningaasanut inatsimmi kontumi 20.10.25-imi inernerit akornanni - 62.881 tkr.-nik siulianilu taaneqartunik 56.899 tkr.-nik nikingasoqarnera Illuut-mut tunngatillugu akiliuteqarallarnernut tunngassuteqarpoq. 2019-imi ineqarnermut taarsigassarsianut 44.515 tkr.-nut siusinaartumik akiliuteqartoqarsimavoq 8.390 tkr.-ninullu isumakkeerinnittoqarsimalluni.

	<p>Ukiup ingerlanerani suliat 231-t ineqarnermut taarsigassarsiat siusinaartumik akilerneqarnissaannut tunngasut suliarineqarsimapput.</p> <p>Isertitassanut kontut allat assigalugit siunissami isertitarineqartussat missingissallugit ajornartuaannartuuvoq, pingaartumik tamakku avataani pissutsinik pisariaqartitsiffiusimappata. Pisisartummi ataasiakkaat namminneerlutik aalajangertussaavaat siusinaartumik akiliuteqassanerlutik akiliuteqassannginnerlutilluunniit, taamaammallu siumut eqqoriarneqarsinnaaneq ajorpoq ukiup ingerlanerani qassit akiliuteqassanersut.</p>
--	--

13.114 tkr.-it (2018) aamma 8.390 tkr.-it (2019) nalikilliliissutigineqarsimasut Kukkunersiuinermut Ataatsimiititaliamit maluginiarneqarpoq.

Innuttaasut taakku taarsigassarsiaat kurs 100-ngorlugu tunniunneqarsimapput aammalu kursi appasinnerusoq atorlugu taarsigassarsiamik piffissaq sioqqullugu taarsernissaannut inatsisitigut tunngavissaqarput, tamannalu amerlasuunit atorineqarsimavoq.

Paasissutissiissutigineqartut Kukkunersiuinermut Ataatsimiititaliamit tusaatissatut tiguneqarput.

34.01.02 Napparsimasunut taarsiissutit.

Konto pingarneq	Taaguutaa
34.01.02	Napparsimasunut taarsiissutit, 49 tkr.
Kukkunersiuinermut Ataatsimiititaliap Oqaaseqaatai/apeqqtai	34.01.02 – Napparsimasunut taarsiissutit. Sulianik suliarineqarnikuunngitsunik peqarsinnaava. ? Tamanna Kukkunersiuinermut Ataatsimiititaliamit 2018-imi apeqqtutigineqarpoq maannakkullu malitseqartinneqarluni.
Akissut	Suliassap suliarinissaanut sulisumik ataatsimik sulilersitsisoqarnikuuvoq. Suliassat suliarineqartut suli amerlapput ataatsimullu takussutissiaq 31.12.2020-mi pissarsiarineqarsinnaalernissaa naatsorsuutigineqarpoq. Suliassanik suliaqarneq Nakorsaaneqarfik, Peqqinnissakkut Napparsimasut Sullinneqarneranni Maalaartarfik Peqqinnissaqarfimmullu Naalakkersuisoqarfik suleqatigalugu pisarpoq.

Suliassat arlallit suliarineqartut ataatsimiititaliamit maluginiarneqarpoq.

Paasissutissiissutigineqartut Kukkunersiuinermut Ataatsimiititaliamit tusaatissatut tiguneqarput.

34.11.01 Napparsimasut nunani allani katsorsarneqartarnerat, timikkut nappaatit.

Konto pingarneq	Taaguutaa
34.11.01	Napparsimasut nunani allani katsorsarneqartarnerat, timikkut nappaatit, 159.860 tkr.

Kukkunersiuinermut Ataatsimiititaliap Oqaaseqaatai/apeqqtai	34.11.01 – islandimiit nakorsaqaarnikkut neqeroorutaasut qanoq atorneqartigippat ?
Akissut	Apeqqtat imatut paasineqarpoq, kalaallit napparsimasut qanoq amerlatigisut Islandimi peqqissutsikkut katsorsartittarpat. Qaammatini kingullermi aqqaneq-marlunni Islandimi napparsimavimmi marluinnarnik katsorsaasoqaarnikuvoq.

Islandimi napparsimmavimmik atuinissamik neqeroorut ikittuinnarnit atorneqarsimasoq ataatsimiititaliamit oqaatigineqassaaq.

Paasissutissiissutigineqartut Kukkunersiuinermut Ataatsimiititaliamit tusaatissatut tiguneqarput.

34.11.08 Atornerluisunik katsorsaanissamut pilersaarut.

34.11.08	Atornerluisunik katsorsaanissamut pilersaarut, 27.818 tkr.
Kukkunersiuinermut Ataatsimiititaliap Oqaaseqaatai/apeqqtai	34.11.08 – Atornerluisunik katsorsaanermut pilersaarut. Ukiuni kingullerni marlunni aningaasaliissutinik amerlavallaanik immikkoortitsisoqartarsimavoq. Pitsaanerumik missingersuusiortoqarsinnaava?
Akissut	Aningaasaliissutit Meeqqanut Inuusuttunullu pilersaarummut ("Meeqqanut inuusuttunullu aanngajaarniutinik aningaasanoortarnermillu ajornartorsiutilinnut neqeroorutinik pilersaarutit") atorneqartussaagalarput. Meeqqanut inuusuttunullu pilersaarutip aallartinnissaa covid-19 pissutigalugu ukiumik ataatsimik kinguaattoorsimavoq. Tamatuma kingunerisaanik ilinniartitsinissamik pikkorissartitsinissamillu suliat taamatuttaarlu atorfinitsinerit suliasallu allat pilersaarummut immikkut pilersaarutigineqartut naammassineqarsinnaanissaat periarfissaasimanngilaq. Aamma Allorfimmut meeqqanik inuusuttunillu katsorsaavimmut sulisussarsiortoqartussaagalarpoq ilinniartitsinissamilli pikkorissartitsinissamillu suliat nalornissutigineqarneri pissutigalugu taamaaliortoqarsimanngilaq. Allorfiup meeqqanut inuusuttunullu pilersaarutip naammassinissaanut 2021-mi ingerlateqqissallugu qilanaaraa. Taamaassappat siunissami aningaasaliissutit aningaasallu atukkat imminnut naapertuunnerusariaqassapput.

Paasissutissiissutigineqartut Kukkunersiuinermut Ataatsimiititaliamit tusaatissatut tiguneqarput.

40.91.26 Ilinniartitaanikkut suliniutit.

Konto pingaarneq	Taaguutaa
------------------	-----------

40.91.26	Ilinniartitaanikkut suliniutit., 6.176 tkr.
Kukkunersiuinnermut Ataatsimiititaliap Oqaaseqaatai/apeqquatai	<p>Ilinniagaqarfiit ilaat aallartissimangitsut ataatsimiititaliamit paasineqarpoq. Tamanna pillugu allanik nassuiaateqartoqarsinnaava?</p> <p>Ajornartorsiut annertunerusoq ataatsimiititaliamit matumani takuneqarsinnaavoq, 10 mio. kr.-it missiliorlugit atuinikinnerusimaneq – piffissaagallartillugu qisuarianngitsoortoqarsimava, imaluunniit..?</p>
Akissut	<p>Kontumi pingaarnermi, 40.91.26, ilinniarnernut aallartinneqarsimangitsunut tunngatillugu akissut.</p> <p>Isumaginninnermik suliaqarnermi siunnersuisoq ilinniarnernut aallartinneqarsimanginneranut pissutaasoq tassaavoq ilinniarnernut aningaasaliissutit qanoq ilillugit ilinniartoqarfimmut killiliussanut nuunneqarsinnaanerannut tunngatillugu inaarutaasumik paasisaqartoqarnissaa tikillugu ilinniarnernut aatsaat aallartinneqarnissaanik ilinniarfik kissaateqarsimammat. Ilinniarnernut ingerlanneranut aningaasaliissutit kontumi 40.91.26-miiginnassasut maanna paasinarsereerpoq, taamaalilluni ilinniarnernut aallartinnissaa 2021-imi januaarimut aallartittussatut piffissalerlugu aallartissinnaalerluni.</p> <p>Isumaginninnermi siunnersortit ilinniarteqqittarnerat: Ilinniarnermi suut sammineqassanersut paasiniarnissaanut tunngatillugu sulii suliarineqarpoq. Missingiut ilinniarnernut imaritinneqartunik nassuiaaffiusoq ilinniarnernut aqqqissuussinerup suliarinissaa siunertaralugu akuersissutigineqartussanngorlugu nassiunneqarsimavoq.</p> <p>Siunnersortit assistentiattut ilinniarneq: Ilinniarnernut aallartinneqarsimanginneranut pissutaasoq tassaavoq ilinniarnernut aningaasaliissutit qanoq ilillugit ilinniartoqarfimmut killiliussanut nuunneqarsinnaanerannut tunngatillugu inaarutaasumik paasisaqartoqarnissaa tikillugu ilinniarnernut aatsaat aallartinneqarnissaanik ilinniarfik kissaateqarsimammat. Ilinniarnernut ingerlanneranut aningaasaliissutit kontumi 40.91.26-miiginnassasut maanna paasinarsereerpoq, taamaalilluni ilinniarnernut aallartinnissaa 2021-miit aallartittussatut piffissalerlugu aallartissinnaalerluni.</p> <p>Najugaq qimannagu immikkut perorsaariaatsit pillugit perorsaasutut ilinniarneq: Ilinniarnermi imaritinneqartussat paasiniaaffiginissaannut tunngatillugu sulii suliarineqarpoq. Missingiut ilinniarnernut imaritinneqartunik nassuiaaffiusoq ilinniarnernut aqqqissuussinerup suliarinissaa siunertaralugu akuersissutigineqartussanngorlugu nassiunneqarsimavoq.</p> <p>Perorsaasut diplomeqalissutaasumik ilinniartitaanerat: Meeqqanik inuusuttunillu imaluunniit innarluutilinnut suliaasaqarfimmi diplomeqalissutaasumik ilinniarneq pillugu killiffik konto 40.91.26 aqqutigalugu isumaginninnermut suliaasaqarfiup iluani Ilinniartitaanernut</p>

	<p>Suliniutinut ilaasumik neqeroortitsinissaa pitinnagu suliarineqartariaqarpoq sulilu angusaqarfiusussanngortillugu.</p> <p>Isumaginninnermut suliassaqarfimmi ilinniarnernut suliniuteqarneq suliassaqarfimmi atuisunut tiguisussanullu iluaqutaasussamik ilinniarnernut suliniutinut angusaqarfiusussanut atorneqassaaq. Suliaqarneq naalackersuisoqarfiit assigiinngitsut suliniuteqarnerisigut ingerlanneqassaaq, naalackersuisoqarfillu ilinniarnernit pioreersut nutaallu nalilersuiffigissavaat, misissuiffigeqqissavaat pilersaarutinillu suliaqarlutik, soorlu suliassaqarfimmi ilinniaqqinnerit ingerlaqqiffiusumillu ilinniarnernit. Isumaginninnermut suliassaqarfiup iluani ilinniarnernut suliniuteqarnermut ataqatigiissaarinissamut suleriaqqinnissaaq suli ingerlanneqarpoq. Suliassaqarfik tamakkerlugu qaffasissutsit tamakkerlugit ilinniarnernut suliniutinut angusaqarfiusussat angunissaat siunertaapput.</p>
--	---

Ataatsimiititaliamit maluginiarneqarpoq aningaasanik immikkoortitsisoqarsimasooq, suliassaqarfinnili arlalinni suli paasinarsisitsisoqarsimanngitsoq aammalu ilinniartitaanerit aalajangersimasut suli suliarineqartut. Ukiup ingerlanerani aningaasaliissutit naleqqussarneqarsimanngillat.

Paasissutissiissutigineqartut Kukkunersiuinnermut Ataatsimiititaliamit tusaatissatut tiguneqarput.

40.02.06 Ilinniarnermi tapiissutit meeqqanullu tapit (Aningaasaliissutit inatsisitigut pisussaaffigisat).

Konto pingaarneq	Taaguutaa
40.02.06	Ilinniarnermi tapiissutit meeqqanullu tapit (Aningaasaliissutit inatsisitigut pisussaaffigisat), 159.439 tkr.
Kukkunersiuinnermut Ataatsimiititaliap Oqaaseqaatai/apeqqutai	40.02.06 – Ilinniartut taakkunanga qinnuteqarsinnaasut ikileriarnernat sammisami inatsisit 2017-imi allanngortinneqarsimanerannik aallaaveqarsinnaava? Ilinniartut 86-inik ikileriarsimanerisigut ikileriaataasimasooq annertuginarpoq. 2017-imi inatsimmik allannguinnermi naatsorsuutaasimasunut sanilliussinissamut allannguutip kingunera pillugu nalunaarsuutitigut uuttuutissaqarpa?
Akissut	<p>Malittarisassanik tunngaviusunik allannguneq pineqartoq Ilinniagaqarnerisutit pillugit Namminersorlutik Oqartussat nalunaarutaat nr. 9, ulloq 19. juli 2017-imeersup akuerineqarneranut tunngavoq.</p> <p>Nalunaarummik ilinniartut sapinngisamik amerlanerpaat ilinniarnerminnik naammassinninnissaannik qulakkeerinninnissaaq pingaarnertut siunertarineqarpoq. Ilaatigut akiliunneqarluni angalasarnermut malittarisassat iluarsivigineqarnerisigut ilinniarnermilu qaammatikkaartumik tapiissutit siumoortunngortinneqarnerisigut taamaasiortoqarpoq.</p>

	<p>Ilinniarnermi tapiissutit siumoortunngortinneqarnerisigut ilinniartut ilinniarnerminnik aallartitsinerisa kinguninngua aningaasassaaleqineq pissutigalugu ilinniarnerminnik taamaatitsiinnarnissaat pinaveersaartinniarnearpoq. Ilinniarnermi tapiissutit siumoortumik tunniunneqartarneri ilinniartut ilinniarnerminnik naammassinnittartut qulinik amerleriarnerinik kinguneqassasoq tamatumunnga atatillugu nalilerneqarpoq. Inatsisip allanngortinneqarnera nalunaarummilu akiliunneqarluni angalasarnermut malittarisassanik iluarsineq naammassinnittarnermut periarfissat annertusineqarnissaanik siunertaqarsimapput.</p> <p>Taamaattumik malittarisassat allanngortinneqarneri ilinniarnissamut akuerineqartarnermut apeqqummut attuumassuteqanngillat. Taamaattumik inatsip pineqartup aammalu 2018-imiit 2019-imut ilinniartut ikileriarnernik oqaatigisap akornanni ataqatigiittoqarnerannik tapersiisinnaasunik tunngavissaqanngilaq. Matumunnga tunngatillugu oqaatigineqassaaq, 2. oktober 2019-imi ilinniarnermik ingerlataqartut katillugit 4144-pput, 2. oktober 2020-milu 4337-nut amerliersimallutik. Taamatuttaaq ilinniagaqarnerisutit pillugit malittarisassat atuuttut naapertuussusaat ingerlaavartumik nalilersorneqartarput. Tassunga atatillugu manna tunngavigalugu iluarsinerit erseqqissumik kingunerisassaannut suut pineqarnerisut paasissallugit periarfissaqarsimanngilaq, ukiuni kingullerni qaffaanerup ukiuni siuliini appaanermik qaangiisimanera eqqaassanngikkaanni.</p>
--	--

Paasissutissiissutigineqartut Kukkuersuinerimut Ataatsimiititaliamit tusaatissatut tiguneqarput.

40.10.06 Kalaallit Nunaanni efterskolit ingerlanneqarnerinut tapiissuteqarneq (Tapiissutitut aningaasaliissutit).

Konto pingarneq	Taaguutaa
40.10.06	Kalaallit Nunaanni efterskolit ingerlanneqarnerinut tapiissuteqarneq (Tapiissutitut aningaasaliissutit), 23.447 tkr.
Kukkuersuinerimut Ataatsimiititaliap Oqaaseqaatai/apeqqutai	40.10.06 - ilinniartuuteqarneq naapertorlugu aningaasaliiffiginnittarneq siunertarineqartoq malillugu ingerlava?
Akissut	Taxameteri atorlugu tapiissuteqartarnermi pingaarnertut siunertaavoq efterskolit atuartut akornanni atuarunnaartarnerit killeqartinniarnissaannut atuarfiup piomassuseqartinniarnissaa. Taamaakkaluortoq efterskolinut suliassaqarfimmi taxameteri atorlugu tapiissuteqartarneq ilumut siunertaq malillugu iluaqutaanersoq, atuarunnaartartunullu pitsaasumik sunniuteqarnerisut nalilissallugu ajornakusoorpoq. Taamatut naliliineq aqqissuussinerup aqqissuussamik nalilersortarnissaanik tunngaveqartariaqarpoq.

Paasissutissiissutigineqartut Kukkuersuinerimut Ataatsimiititaliamit tusaatissatut tiguneqarput.

64.10.30 Puisit amiinik tunisineq.

Konto pingaarneq	Taaguutaa
64.10.30 (-)	Puisit amiinik tunisineq, 25.980 tkr.
Kukkunersiuinermut Ataatsimiititaliap Oqaaseqaatai/apeqqutai	64.10.30 – konto nutaajuvoq 2019-imeersoq. Aningaasat atorneqarsimasut itisilerneqaqqissinnaanerlutik? Assersuutigalugu sullissinissamut isumaqatigiissutit, tunisinermit tapiissutit, toqqorsiveqarneq, allaffissorneq allallu.
Akissut	Great Greenland-imik 2019-imi kiffartuussinissamik isumaqatigiissut naapertorlugu 2019-imi makku aningaasartuuteqarfiusimapput: <ul style="list-style-type: none"> • Tunisinermit tapiissutit: 9,950 mio. kr. • Kiffartuussinissamik isumaqatigiissut: 10,628 mio. kr. • Sillimatissatut illikartitat: 5,4 mio. kr. Great Greenland-imik 2019-imi kiffartuussinissamik isumaqatigiissut akissummut ilanngullugu nassiunneqarpoq.

Naak aningaasaliiffigineqaraluarluni Great Greenland A/S 2019-imi amigartooruteqarsimasoq a-taatsimiititaliamit oqaatigineqassaaq.

Paasissutissiissutigineqartut Kukkunersiuinermut Ataatsimiititaliamit tusaatissatut tiguneqarput.

4.3 Pissutsit suliffeqarfinnut namminersortitanut tunngasut

4.3.1. Mittarfeqarfiit

Suliffeqarfiup sanaartukkat pigisai 1.1.2019-imi 1.275.081 tkr.-inik nalikillilerneqarsimapput.

Suliffeqarfimmu kukkunersiuusup 2019-imut nalunaarutaani nunatta karsiata kukkunersiuusua allappoq:

”2.2.1. Sanaartukkat tigussaasut

Nalinik inissiinerit

Ulloq 01.01.2019 Mittarfeqarfinnut naatsorsuuserineq pillugu nalunaarut nutaaq atuutsinneqalerpoq. Tassunga atatillugu ulloq 01.01.2019 sanaartukkatut pigisanut tamanut nalikilliliinermik misiliut ingerlanneqarpoq, taassuma kinguneranik ukiup aallartinnerani nalikilliliinerit katillugit 1.275.081 tkr.-inik naleqarput, taakkua nammineq aningaasaatinut nuunneqarput. Nalikilliliinermi aqutsisut tunngavigisaat pissarsiariniarpagut aamma nalikilliliinissamut pisariaqartitsinermik naliliinermut tunngavigineqartut nakkutilliiffigaavut. Nakkutilliinermut oqaaseqaasiornissamut tunngavissiinnigilaq.”

Allassimasut Kukkunersiuinermut Ataatsimiititaliamit tusaatissatut tiguneqarput.

5.0 Misissuinerit annertunerusut

Misissuinermit annertunerusumi pissutsit uku ilaat ataaseq arlallilluunniit qitiutinneqarajupput:

- 1) Maleruagassat inatsillu eqquutsinneqarsimanersut
- 2) Ingerlatsinermit ileqqussat pitsaasut malinneqarsimanersut
- 3) Sulisut aningaasallu sipaarniarnermik aallaaveqarluni atorneqarsimanersut
- 4) Sulisunik aningaasanillu atuneq kiisalu naammassisaqassuseq imminnut naapertuunnersut
- 5) Anguniakkatut aalajangiunneqartut iluatsitsiffiusumik anguneqarsimanersut

Misissuineq annertunerusoq sulisunik aningaasanillu annertuumik atuiffiusinnaammat tamatuma peqatigisaanik oqaatigineqartariaqarpoq, taamaattumillu misissuinissamut naapertuuttumik killiliinissaq anguniarneqartuortarpoq, tamatumaniilu anguniakkat siuliani taaneqartut pinerit tamaasa tamarmik ilanngunneqarsinnaaneq ajorput.

Kingullermik isumaliutissiissusiornermi kingorna Kukkunersiuinermit Ataatsimiititaliaq misissuinermit annertunerusumik ataatsimik aallartitsivoq:

”Inuussutissarsiutigalugu aalisarnermi aalisakkanik pisassiissutininik aamma akuersissutininik ingerlatsinermit itisiliilluni kukkunersiuineq”

Nunatta Karsiata kukkunersiuisuata nalunaarussiaq oktober 2020-mi tunniuppaa, taannalu ataatsimiititaliamit inaarlugi sulisuliarineqanngilaq.

Tamatuma saniatigut nipisattassiissutininik Naalakkersuisut suliarinninnerannut atatillugi suliamut attuumassuteqarsimasinnaaneq Kukkunersiuinermit Ataatsimiititaliap 2020-mi suliaraa.

Suliaq pillugi ataatsimiititaliaq nalunaarummik tunniussigallarnikuuvoq. Nalunaarutip naammassinerata kingorna suliaq pillugi atortussanik amerlanerusunik ataatsimiititaliaq pissarsivoq, atortussanillu taakkuninnga ataatsimiititaliap suliarinninnera sulisuliamassinnngilaq. Ataatsimiititaliaq kingusinnerusukkut ilassutitut nalunarteqarsinnaassaaq allatigulluunniit inerniliussaminik Inatsisartunut ilisimatitsissuteqarluni.

6.0 Nunatta Karsiata naatsorsuutaanik kukkurersiuisussatut ataatsimiititaliap inassuteqaataa

Inatsisartut Suleriaasianni § 25, imm. 2 naapertorlugu Kukkurersiuiinermut Ataatsimiititaliap inassuteqarneratigut Nunatta Karsiata naatsorsuutaanik kukkurersiuisussaq Inatsisartunit toqqarneqartarpoq.


Kukkurersiuisoqatigiiffik naalagaaffimmit akuerisat Deloitte Nunatta Karsiata 2020-mut naatsorsuutaanik kukkurersiuisussatut Inatsisartunit toqqarneqassasoq Kukkurersiuiinermut Ataatsimiititaliap 2019-imi ukiakkut ataatsimiinnermi inassutigaa, Inatsisartunit akuersissutigineqartumik. Tamatuma kingorna Nunatta Karsiata 2021-mut naatsorsuutaanik kukkurersiuisussaq Kukkurersiuiinermut Ataatsimiititaliamit inassutigineqassaaq:


Kukkurersiuisoqatigiiffik naalagaaffimmit akuerisat Deloitte Nunatta Karsiata 2021-mut naatsorsuutaanik kukkurersiuisussatut Inatsisartunit toqqarneqassasoq Kukkurersiuiinermut Ataatsimiititaliap Inatsisartunit inassutigaa.

7.0 Nunatta Karsiata 2019-imut naatsorsuutaasa akuerineqarnissaat pillugu inassuteqaat


Nunatta Karsiata 2019-imut naatsorsuutaasa Inatsisartunit akuerineqarnissaat pillugu aalajangiiffigisassatut siunnersuut akuerineqassasoq **ataatsimiitaliamit isumaqatigiittumit inassutigineqarpoq.**

Taama oqaaseqarluni Kukkuersiui nermut Ataatsimiititaliap siunnersuut aappasaaniigassanngortippaa.


Erik Jensen,
siulittaasoq


Aqqafuaq B. Egede,
siulittaasup tullia


Aleqa Hammond


Pele Broberg


Malene V. Rasmussen

Ilanngussanut takussutissiaq:

Ilanngussaq 1: Kukkunersiuisut nalunaarutaat, Nunatta Karsia 2019.

Ilanngussaq 2: Kukkunersiuisut nalunaarutaat, Asiaq 2019.

Ilanngussaq 3: Kukkunersiuisut nalunaarutaat, Mittarfeqarfiit 2019

Ilanngussaq 4: Kukkunersiuisut nalunaarutaat, Nukissiorfiit 2019.

Ilanngussaq 5: Nunatta Karsiata naatsorsuutaanut nassuiaatit

Ilanngussaq 6: Kukkunersiuisut nalunaarutaat il.il. pillugit ataatsimiititaliap apeqqutai
Naalakkersuisullu akissutaat. Naatsorsuutitut nassuiaatit il.il. pillugit ataatsimiititaliap apeqqutai
Naalakkersuisullu akissutaat.